

Bismmat: Girku joatká rohkosa, vaikke ipmilbálvalusat almmolaš dilálašvuodain gaskalduvvojit doaisttázii

Olbmuid fuolla koronavirusa leavvamis stuorru beavvis beaivái. Girku doaibman dán dilis lea Leahkit olbmuid balddas ja sirdit oskku ja doaivvu sága. Váttisge áigodagain, ja erenomažit dalle, girku joatká rohkosa álbmoga ja oppa máilmmi beales. Geavatlaš doaimmat heivehuvvojit dan mielde, mo dilli gáibida.

Ipmilbálvalusat ja girkolaš doaimmahusat leat girku vuoiŋjalaš eallima váibmu. Girkolága 4. logu 1 § mielde dat gullet searvegottes lágas mearriduvvon doaimmaide. Dán njoammudávdadilis ja stáhtaráđi 16.3. mearrideami ođđa ráddjehusa vuodul lea čielggas, ahte njuolggadusaid galgá dál heivehit jurddašettiin erenomažit álbmoga buorredili ja dearvvasvuoda.

Bismmat leat ovtta soahpan, ahte ipmilbálvalusat almmolaš dilálašvuodtan gaskalduvvojit doaisttázii. Ipmilbálvalusat goitotge dollojuvvojit sátneipmilbálvalussan juohke searvegottes nu, ahte báikki alde leat dušše ipmilbálvalusa doaimmaheaddjit. Ipmilbálvalusat strimejuvvojit ja sáddejuvvojit daid vejolašvuodaid bokte, mat searvegottes gávdnojit. Ipmilbálvalusa searvegoddi šaddá sis, geat servet gáiddusoktavuodaid bokte.

Juohke searvegottes váldogirku rávvejuvvo leat rabas ovdalaš máinnašuvvon ipmilbálvalusa maŋŋá uhcimustá guokte diimmu jaskkodeami ja priváhta rohkosa várás. Báikki alde lea báhppa dahje eará searvegottes bargi hálešteami ja sieludikšuma várás. Jearaldagas ii leat almmolaš dilálašvuodta, muhto girku lea rabas. Jaskkodeami ja rohkosa vejolažžan dahkan girkosáles leat bismaid mielas álbmoga kriisagierdavašvuoda geažil dehálaš ášši.

Girkolaš doaimmahusat dikšojuvvojit spiehkastatordnega mielde. Ovtta bearrašiiguin ja oapmahaččaiguin soabadettiin girkolaš doaimmahusain sáhttet leat eanáš 10 olbmo. Hávddi luhtte dáhpáhuvi vitkama maddái oidijuvvo.

Eará searvegottiid normála váhkodoaibma gaskalduvvo doaisttázii, muhto sirdojuvvo neahtá bokte dáhpáhuvin álo go dat lea vejolaš.

Dáid spiehkastatdiliin lea dehálaš, ahte searvegottit buktet ovdan doaivvu ja luohttámuša sáni. Máŋggat leat fuolas ja gáibidit sieludikšuma, guldalanveahki ja jeđđehusa. Bismmat roahkasmahttet searvegottiid bargiid geavahit buot gáiddusoktavuoda vejolašvuodaid barggu ordnemis.

Bismmat ávžžuhit dál searvegottiid ja kristaláččaid rohkadallat erenomažit buohcciid ja buohccáma balli olbmuid bealis. Girkus mutojuvvojit ovddasrohkosis erenomažit dearvvasvuodabargit ja earát, geat guddet kriisa gaskkas ovttasvástádusa. Girku bissovaš rohkosa fáddán lea maddái dásseválddi presideanta, riikkabeaivvit ja dásseválddi ráđđehus ja eará virgeolbmot. Girku ovddasrohkosis ii goitotge dovddas riikka rájaid, muhto gokčá sisa buot riikkaid ja álbmogiid dán áigeguovdilis globála koronadili gaskkas.

Girku dárbbášuvvo dál. Vaikke gártat giddet doaimmabáikkiid ja doiammaid, čálmmat, bealljit ja váimmut galget leat dađege eanet rabas. Dásseválddi presideantta ávzzuhusa mielde mii galgat lasihit vuoiŋgalaš oktavuoda, vaikke fysihkalaš gaskka gártatge stuorrudit.

Roahkasmahttojuvvos min buohkaid lpmila sátni:

“Vaikko mun velá vádjolivččen jápminsuoivana leagis, de in mun bala mange bahás, dasgo don leat mu mielde. (Biibbalsálbma 23:4)

Suoma evangelalaš -luteralaš girku bismmat

Tapio Luoma Simo Peura Matti Repo Seppo Häkkinen Kaarlo Kalliala

Earkebisma Lapua bisma Tampere bisma Mikkeli bisma Turku earkebismagotte bisma

Jari Jolkkonen Teemu Laajasalo Jukka Keskitalo Kaisamari Hintikka Bo-Göran Åstrand

Kuopio bisma Helsingi bisma Oulu bisma Espoo bisma Porvoon bisma